

յեկեղոցն քաղաքիս. և յետ սրբոյ պատարագին տա-
րան զմեզ մինչ ի դրունս եկեղեցոյն շարականաւ, և
անդ ասացեալ վարդապետացն զՀայր մերն և դառ-
նալ: Եւ կրկին ասացեալ շարական քահանայից եւ
դպրաց մինչ ի դրունս դրսին, և ի մերձ լինել սահ-
մանացն մեր, ևս քան զևս բարձեալ զձայնս իւրեանց՝
մինչ ի տունն յորում նստէին հրաւիրեալքն: Երեկոյին
ժողովեցաք զըռնձիկն՝ որ օթիտս. և յայսմ երեկոյի
Պալատցիք եկին:

Եւ Գշի (23 Մայիս) երեկոյին կրկին հրաւիրեալքն
եկին ամենայն՝ նստեալ մինչ մօտ ի լուսին, և ելեալ
զնացին մի մի իւրաքանչիւր տեղիս:

Կիրակիս օր ամսոյ ԻԸ էր:

Յունիս ամիս օր Եշի: Ի Ղալաթիայ զնացի առ
վարդապետն՝ տեսանել զնա:

Դիւս Կիրակի. բարեկենդան Լուսաւորչի:

Եւ ի միւս Կիրակիս (11 Յունիս) զմեր Մղտեսի Տի-
լէկի զգուստրն կարգեցաք և ի պսակ զնացաք ի Սուրբ
Նիկողոս, և յետ պսակին մինչև ի ծովեզրն երթեալ՝
ի նաւի եղաք զնոսա և դարձաք:

ԺԶ-իս¹⁾ օր Ուրբաթիս՝ խարաճն ելաւ:

Երեկոյի Շաբաթիս (17 Յունիս) Տէր Մեղքիսեզն ընդ
Տէր Սալատուրն և ընդ Աստուածատուրն կովեցաւ
բազումս:

Եւ Կիրակիս (18 Յունիս) հարսնիք զնացի Շեհրենց
Յակոբին:

Եշի (22 Յունիս). Մովսէսն մեր ի Մղտոնցն եկան՝
ձայնել զնոսա:

ԻԵ-իս բարեկենդան Վարդապետի:

Յուլիս ամիս օր Շաբաթ. նաւակատիւք Վարդա-
պետի:

1) ԺԷ.